

(ხელშეკრულების პირობების საბოლოო ვარიანტი შესაძლებელია დამატებით დაზუსტდეს /დაიხვეწოს და შეთანხმდეს ტენდერში გამარჯვებულ პრეტენდენტთან ხელშეკრულების გაფორმების პროცესში).

სახელმწიფო შესყიდვის შესახებ ხელშეკრულება №

ქ. თბილისი

_____ 2018 წელი

ერთი მხრივ, სსიპ „საქართველოს კომუნიკაციების ეროვნული კომისია“ (შემდგომში შემსყიდველი), წარმოდგენილი მისი თავმჯდომარის კახი ბექაურის სახით, და მეორე მხრივ, (შემდგომში მიმწოდებელი), წარმოდგენილი მისი დირექტორის 000000000000 სახით, „სახელმწიფო შესყიდვების შესახებ“ 00000000, სატენდერო დოკუმენტაციისა და პრეტენდენტის მიერ წარმოდგენილი სატენდერო წინადადების თანახმად ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) - „სახელმწიფო შესყიდვების შესახებ“ საქართველოს კანონისა და კანონქვემდებარე ნორმატიული აქტების საფუძველზე შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, დამატებით და ასევე ყველა დოკუმენტაციით, რომლებზეც ხელშეკრულებაში არის მინიშნებული;
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „დღე“, „კვირა“, „თვე“ - კალენდარული დღე, კვირა, თვე;
- 1.4. „შემსყიდველი“ - ორგანიზაცია, რომელიც ახორციელებს მომსახურების შესყიდვას სახელმწიფო შესყიდვის შესახებ ხელშეკრულების შესაბამისად;
- 1.5. „მიმწოდებელი“ - იურიდიული პირი, რომელიც შემსყიდველს აწვდის მომსახურებას სახელმწიფო შესყიდვის შესახებ ხელშეკრულების შესაბამისად;
- 1.6. „მიღება-ჩაბარების აქტი“ - წერილობითი დოკუმენტი, რომელიც ფორმდება მომსახურების მიღების შემდეგ.

2. ხელშეკრულების საგანი

1. 1 (ერთი) ცალი სატელევიზიო ანალიზატორი;
2. შესყიდვის ობიექტის დეტალური აღწერა მოცემულია დანართ N1_ში, რომელიც წარმოადგენს ხელშეკრულების განუყოფელ ნაწილს.

3. სატენდერო პირობების უპირატესობა

წინამდებარე ხელშეკრულების პირობებსა და SPA000000 ელექტრონულ ტენდერის პირობებს შორის წინააღმდეგობის არსებობის შემთხვევაში სატენდერო დოკუმენტაციას გააჩნია უპირატესი ძალა.

4. ხელშეკრულების ღირებულება

- 4.1. ხელშეკრულების ღირებულება შეადგენს 00 000 ლარს, დღგ-სა და საქართველოს კანონმდებლობით გათვალისწინებული გადასახადების ჩათვლით.

5. ანგარიშსწორების ფორმა და ვადები

5.1. შემსყიდველი მიმწოდებელთან ანგარიშსწორებას ახორციელებს ეროვნულ ვალუტაში, მიმწოდებლის მიერ მითითებულ საბანკო ანგარიშზე თანხის გადარიცხვით.

5.2. წინასწარ ანგარიშსწორება შესაძლებელია ხელშეკრულების ღირებულების არაუმეტეს 60%-ის ოდენობით, წინასწარ ანგარიშსწორების იდენტური ოდენობის უპირობო და გამოუთხოვადი საბანკო გარანტიის წარმოდგენის საფუძველზე. გარანტიის მოქმედების ვადა არანაკლებ 1 თვით უნდა აღემატებოდეს ხელშეკრულების მოქმედების ვადას.

5.2.1 გარანტიის დედანი წარმოდგენილ უნდა იქნას შემსყიდველთან ხელშეკრულების გაფორმებიდან არაუმეტეს 7 (შვიდი) სამუშაო დღის ვადაში. წინააღმდეგ შემთხვევაში იმოქმედებს შემდგომი გადახდის პრინციპი.

5.3 შემდგომი გადახდის შემთხვევაში ანგარიშსწორება იწარმოებს ხელშეკრულების შესრულების დამადასტურებელი დოკუმენტის (მიღება/ჩაბარების აქტი) გაფორმებიდან არაუგვიანეს 10 სამუშაო დღის ვადაში.

6. მომსახურების მიწოდების ვადები და პირობები

6.1. საქონლის მიწოდება უნდა განხორციელდეს ხელშეკრულების გაფორმებიდან არაუმეტეს 35 (ოცდათხუთმეტი) კალენდარული დღის ვადაში.

6.2. საქონლის მიწოდება უნდა მოხდეს სსიპ საქართველოს კომუნიკაციების ეროვნული კომისიის ოფისში მისამართზე: 0144 ქ.თბილისი, ქეთევან წამებულის გამზ./ზოჭორმის ქ. 50/18.

6.3. საქონლის მიწოდება უნდა განხორციელდეს სამუშაო დღის განმავლობაში 9:00 საათიდან 18:00 საათამდე, ორშაბათიდან პარასკევის ჩათვლით, გარდა დასვენების/უქმე დღეებისა.

6.4. იმ შემთხვევაში თუ საქონლის მიწოდების ბოლო ვადა ემთხვევა არასამუშაო ან უქმე დღეს საქონლის მიწოდება არ ჩაითვლება ვადაგადაცილებულად მომდევნო სამუშაო დღეს მისი მიწოდების შემთხვევაში.

6.5. საქონლის ფაქტობრივად მიწოდებიდან 3 დღის განმავლობაში შემსყიდველი მოახდენს მის ინსპექტირებას/ტესტირებას, რის საფუძველზეც მოხდება მიღება-ჩაბარების აქტის გაფორმება.

6.6. შემსყიდველი უფლებომისილია არ მოაწეროს ხელი მიღება-ჩაბარების აქტს, თუ ინსპექტირების/ტესტირების შედეგად აღმოჩნდება, რომ მოწოდებული საქონელი არ შეესაბამება დანართი N1-ით განსაზღვრულ ტექნიკურ სპეციფიკაციას, პრეტენდენტის მიერ შემოთავაზებულ საქონლის ბრენდს, მოდელს ან/და წარმოშობის ქვეყანას ან/და გააჩნია სხვა ტექნიკური ნაკლოვანებები.

6.7. საქონელი მიღებულად ჩაითვლება შემსყიდველსა და მიმწოდებელს შორის მიღება-ჩაბარების აქტის გაფორმების შემდეგ და ანგარიშგაქტურის ხელმოწერის ან დადასტურების შემდეგ.

7. სტანდარტები და გარანტია

7.1. მიმწოდებელი ვალდებულია უზრუნველყოს ხარისხიანი და სტანდარტების შესაბამისი საქონლის მიწოდება.

7.2. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი მომსახურების დეფექტის ან ნაკლის აღმოფხვრა.

7.3. მიმწოდებლის მიერ ამ ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები დეფექტის ან ნაკლის გამოსწორებისათვის და მიმწოდებელს მოსთხოვოს შესაბამისი ხარჯების ანაზღაურება ან გამოქვითოს ეს თანხა მიმწოდებლისათვის გადასახდელი თანხიდან.

7.4. სატელევიზიო ანალიზატორი უნდა იყოს ახალი, ქარხნული შეფუთვით, არ უნდა იყოს ექსპლუატაციაში ნამყოფი.

7.5. მიმწოდებელი ვალდებულია მოწოდებულ საქონელზე ავრცელებდეს არანაკლებ 12 თვიან გარანტიას.

7.6 გარანტიის მოქმედების ვადა აითვლება საქონლის ფაქტობრივად მიღება/ჩაბარების დღიდან.

7.7 საგარანტიო ვადის განმავლობაში მიმწოდებელი ვალდებულია შეაკეთოს დაზიანებული ანალიზატორი

არაუმეტეს 10 (ათი) სამუშაო დღის ვადაში.

7.8 თუ საქონლის შეკეთება შეუძლებელია იგი უნდა ჩანაცვლდეს ანალოგიური ბრენდის და მოდელის ანალიზატორით ასეთი გარემოების აღმოჩენიდან არაუმეტეს 20 კალენდარული დღის ვადაში.

7.9 საგარანტიო პირობები არ ვრცელდება თუ საქონლის დაზიანება გამოწვეულია არასწორი ექსპლუატაციით, დაუდევრობით ან გაუფრთხილებლობით.

8. მხარეთა უფლება-ვალდებულებები

8.1. შემსყიდველი უფლებამოსილია:

8.1.1. ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი;

8.1.2. მომსახურების მიწოდების დასრულებამდე გამოითხოვოს მიმწოდებლისაგან მისთვის საჭირო დოკუმენტი.

8.2. შემსყიდველი ვალდებულია:

8.1.1. უზრუნველყოს მიმწოდებლისათვის მიღებული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

8.1.2. უზრუნველყოს წარმომადგენლის გამოყოფა, რომელიც ზედამხედველობას გაუწევს პროცესს და საჭიროების შემთხვევაში, მიმწოდებელს გაუწევს შესაბამის კონსულტაციას.

8.3. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

8.4. მიმწოდებელი ვალდებულია:

8.4.1. მიაწოდოს სათანადო ხარისხის მომსახურება სრული მოცულობით.

9. ხელშეკრულებით ნაკისრი ვალდებულებების შესრულების კონტროლი (ინსპექტირება) და შემოწმება.

9.1. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე ან/და შეამოწმოს მომსახურების შესაბამისობა ხელშეკრულებით გათვალისწინებულ მოთხოვნებთან.

9.2. ხელშეკრულებით ნაკისრი ვალდებულებების შესრულებაზე კონტროლის (ინსპექტირების) და შემოწმების განხორციელების უფლება ენიჭება შემსყიდველის - კომისიის აპარატის რადიოსიხშირული სპექტრის მართვის დეპარტამენტის _____, რომელიც არ იმყოფება მიმწოდებელთან ინტერესთა კონფლიქტში სახელმწიფო შესყიდვების შესახებ კანონის თანახმად. შემსყიდველის მხრიდან საქონლისმიღება-ჩაბარებაზე ხელს აწერს კომისიის აპარატის რადიოსიხშირული სპექტრის მართვის დეპარტამენტის _____.

10. პირგასამტეხლო ხელშეკრულების პირობების შეუსრულებლობისათვის

10.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს დაეკისრებათ პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

10.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 1 (ერთი) პროცენტს, მხარე იტოვებს უფლებას შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

10.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

11. ხელშეკრულებაში ცვლილების შეტანა და ხელშეკრულების შეწყვეტა

- 11.1. ხელშეკრულებაში ნებისმიერი ცვლილების ან/და დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 11.2. ხელშეკრულება შეიძლება შეწყდეს ვადაზე ადრე მხარეთა შეთანხმებით ან მოქმედი კანონმდებლობით გათვალისწინებულ შემთხვევებში.
- 11.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, აღნიშნულის თაობაზე მეორე მხარისათვის წერილობითი შეტყობინების შემდეგ.
- 11.4. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულების შესრულებისაგან.
- 11.5. შემსყიდველს, შეუძლია მიიღოს გადაწყვეტილება ხელშეკრულების შეწყვეტის შესახებ, ასევე:
- ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - ბ) მიმწოდებლის გაკოტრების ან/და ლიკვიდაციის შემთხვევაში;
 - გ) თუ მისთვის ცნობილი გახდა, რომ მიმწოდებლის მიერ წარმოდგენილი დოკუმენტაცია ყალბია;
 - დ) საქართველოს კანონმდებლობით გათვალისწინებულ სხვა შემთხვევაში.
- 11.6. ამ მუხლის 11.5. პუნქტის ა) ქვეპუნქტში მითითებულ შემთხვევაში შემსყიდველი ვალდებულია აუნაზღაუროს მიმწოდებელს ფაქტობრივად მიწოდებული მომსახურების ღირებულება.

12. გამოყენებული სამართალი და ხელშეკრულების ენა

- 12.1. ხელშეკრულება გაფორმებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.
- 12.2. ხელშეკრულება დაიწერა ქართულ ენაზე, ორ ეგზემპლარად და ორივე ეგზემპლარს აქვს თანაბარი იურიდიული ძალა.

13. გადასახადები და დაბეგრა

- 13.1. მიმწოდებელი პასუხს აგებს საქართველოს კანონმდებლობით დადგენილი გადასახადის, მოსაკრებლის და სხვა გადასახდელების გადახდაზე.

14. დაუძლეველი ძალა

- 14.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით.
- 14.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის შესახებ.
- 14.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

15. დავები და მათი გადაწყვეტის წესი

- 15.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, მხარეები უფლებამოსილნი არიან დავის გადასაწყვეტად მიმართონ საქართველოს შესაბამის სასამართლოს საქართველოს მოქმედი კანონმდებლობის შესაბამისად.

16. ინტერესთა კონფლიქტის თავიდან აცილება

- 16.1. წინამდებარე სახელმწიფო შესყიდვის მოსამზადებელ ეტაპზე შემსყიდველის მიერ გარკვეულია, რომ შემსყიდველის მიერ არ არის დარღვეული „სახელმწიფო შესყიდვების შესახებ“ საქართველოს კანონით განსაზღვრული ინტერესთა კონფლიქტის დებულებები.

17. ხელშეკრულების მოქმედების ვადა

- 17.1. ხელშეკრულება ძალაში შედის ხელმოწერის დღიდან და მოქმედებს 2019 წლის ----- ჩათვლით.

შემსყიდველი:

სსიპ „საქართველოს კომუნიკაციების
ეროვნული კომისია“
საიდ.კოდი: 204953050
მისამართი: ქ.თბილისი, ქეთევან
წამებულის გამზირი/ზოჭორმის ქ. №50/18
სს „თი ბი სი ბანკი“
ბანკის კოდი: TBCBGE22
ა/ა: GE11TB06000000609326

კომისიის თავმჯდომარე
კახი ბექაური

მიმწოდებელი:
